

西國近事汇编

一
函
四
冊
函

光緒戊寅年
潘譯

西國新學彙編

江苏工业学院图书馆
藏书章

上海機器製造局刊印

西國近事彙編卷一 戊寅春季

美國 林樂知 口譯

歷城 蔡錫齡 筆述

光緒三年十二月二十九日至光緒四年正月十二日西報

西歷一千八百七十八年二月初二日至十五日

台姆司二月初一日報正月二十六日英國上議院公爵

堪那伐與議員不合請解軍機職初堪那伐以土俄相爭

與英無涉無庸籌帑銀備軍火遣砲兵輪船入達特耐爾

水口至馬墨拉海以保土京而眾議員辨難之因退歸

二十九日外部大臣云希臘攻土國家不用威力禁而仍

以友邦之誼勸之希臘人欣然允從下議院有議員責備
錢糧有不妥處以鹽稅過重也英廷令下議院籌備銀六
百萬磅作軍火之用民間多有訾議者以爲國家仍居局
外爲是土俄之約尙未署押土王曾與英公使言已令全
權公使悉遵俄國意講之而俄政府無信至土之全權公
使亦無一函關白英廷是俄土私自講解各國爲之不安
奧國政府深患之發文至俄京告以此次講解各國仍應
預聞法國報以俄所索償於土者爲不平並疑俄王有他
志近日土俄戰信每遲遲不達慮其中有他阻閼聞俄軍
每戰必勝勢如破竹二十七日土之奧斯曼拔開城爲俄

攻克次日又下而賴斯葛來特城

希臘國百姓在阿敦士都城

即阿殿

嘗誓沸騰欲攻土以報

舊怨政府遣員爲循行慰撫之士之南省脫色畱多希臘人因乘勢內訌與駐防之士兵格鬥亂黨竟以此得勝

印度西省喀婆爾土官阿米亞於鉛達哈號召民壯將作不靖印度英員深憂之

正月初八日阿非利亞南境好望角來信以歐壹開斯叛黨滋蔓極廣歐洲開疆人有多員被戕英之新疆政府盡心勦辦民間應募甚衆當不難一鼓蕩平也

英下議院鉛字倡言於衆曰印度食鹽爲民間養命之物

西國通事彙編卷一
加稅太重窮民咸受其累夫加稅欲以補國帑計每歲得銀約祇三十萬磅在英國帑項不必全恃此款徒以剝削貧苦小民歛怨於衆甚無謂也國家宜加意更張之

英國於埃及禁販奴僕一事不動聲色務底於成埃及政

府議有章程埃及國君託付英員二人總理之一將軍戈

登

曾任中國總兵

一英水師甲必頓曼爾喀們戈登奉埃及君派

爲蘇丹總督曼爾喀們奉英國派在紅海等處督理其事

今埃及君又升遷之查英國當年有喀拉克勝惠爾字福

斯等行善之人感動國政爰立法禁販奴僕以垂例至今

國家與西班牙葡萄牙字畱其魯等國苦口力爭欲化其

陋俗並不顧美國南省之衆怨各國聽從英國公議或怵於英之水師不敢不俯首從命英國耗費國帑億萬計盡力於阿非利加西境擒治掠賣奴僕之船近時業已絕跡其東邊界內尙未淨絕阿非利加內地之君仍不能禁英派員至暫齊罷與其君商禁之此風遂絕惟埃及爲土之屬國土人買作奴婢陷良爲賤往往而有皆從奈爾江暨紅海一帶又紐鼻亞蘇丹大湖邊等處販賣甚衆傷人身體害人志氣惡俗莫此爲甚英旣欲全禁阿非利加一洲不能不并禁埃及初英力勸埃及同禁埃及用人不當且偏聽邪說致禁而不禁以埃及軍機政府有多人欲阻撓

此事與歐洲人心大相背謬去年八月間英國大員與埃及政府大臣將同禁奴僕合同當面署名畫押以昭信守埃及國誠心實意派有專員查禁其權可通行於四境凡擒得販賣傭工奴僕之人卽嚴鞠以治其罪罰銀充公判令監禁向例定讞後申送加義羅

埃及都城

按察司核奪施行

今假曼爾喀們之權既督同查禁并派署按察司可以隨訊隨行縱日後埃及能否永禁尙不可知而今則事由英員辦理實心實力如戈登曼爾喀們不肯稍有寬假埃及能任此二員卽見其心之肫摯彼販賣者當知所警戒矣二月初八日報云寄籍倫敦之希臘商人申請英國外

大臣行文土國不許用軍火攻希臘海口城鎮英外部答
曰土耳其與他國同如希臘攻他國他國亦當以大砲報
之汝國家宜慰撫百姓勿妄攻土卽無事矣何必怨土之
攻也

奧國政府以土俄私講大爲張皇奧國相臣議請各國派
大員到奧京會議各國皆依允俄京尙未有不依之信惟
俄人以在奧京會議覺有不便

希臘兵已進至脫色留境土國兵退回未與交仗嗣聞希
臘不敢深入亦退去希臘政府大員欲赴歐洲各大國議
院請體察希臘今日之事云

印度土人新報以俄土相爭爲英國危又有新報以俄勢
既大冀倖英國政在印度從此可了結矣

印度西北路喬滑基種人尙未肯降其叛酋並不欲與英
將軍講和

布之伯靈都城來信二月初七日德王諭議院尙未及布
奧俄三約惟諭令和好各國而於奧國尤深相結納以是
觀之布國與俄密約之說係屬訛傳布議院開時有大員
名鉛好生者宣讀王諭讀至王名議員舉手齊聲賀之議
院議王所諭東方戰事因是新章皆出王意畢相仍在伐
長居第鉛好生曰德王諭交院議有數事緊要本年用欸

銀數較上年更鉅各省補籌足數須別出新法籌之應收
書信局印票捐並煙稅又須借國債以常額銀欸不足用
也抑更有要者德國向無代辦宰相之條今須新設一員
於文件令約均得簽署名押又民間食物有他物攬和假
冒之弊致有害於生命國家亟爲立法禁絕之又去年議
院論及二事一僱工一刑審皆關係商務速宜論斷王與
奧國立通商之約無甚利益處今頗悔之然果立成此約
彼此未始無益也去年議院會議咸願土國將在土京各
公使會議之事依允辦理可以速致太平布國於東方一
無關涉專務勸令和解俾耶穌教人均享安樂我王行事

西國通事彙編卷一
五
務修衆國之好以全友誼焉

正月十九日據比利時國新報論云黑海通商一節衆人不免疑慮卽以俄國論之有利亦有弊達特耐爾水道被塞俄船卽不得出地中海雖黑海置有水師不必過費而所謂利益者特想當然之說耳土耳其水師果得力直可以黑海爲內湖卽以此次爭戰觀之土之水師已得成效而力有未足之處以土之水師提督無調度之才故也自今以後土於黑海固不復有威權然土得乘機會亟與各大國商議封禁達特耐爾水道不許俄船出入則俄亦無如何也顧許他國船而獨不許俄似屬不公所可惜者暴

斯勿勒斯海口無一小島可以扼守如英兵守地中海口之居伯羅島俄既不能禁他國船之入俄轉爲他國所遏而不得出此次和約如經各大國會議將達特耐爾封禁不可任土國遇友邦則讓遇仇敵則爭致有不公之弊雖然一律嚴禁土國須有實在保押則可若保不定如是則竟議開通讓各國船出入縱於俄畧有不妥而商船貿易可自茲大旺黑海中亦可造砲船立水師俄國軍機處宜詳察之不可以有尼沮而稍退讓也黑海水道之屬俄無異蘇愛士水道之屬英其保守嚴密與英軍機相同斯爲得矣又據奧國京報論云達特耐爾水道之通塞祇關係

英國不關係歐洲歐洲各國與俄國意同皆欲開此水道之禁此禁一開則英國於地中海獨攬大權其勢可少殺耳英國於地中海威權年盛一年所有地中海邊諸國商路全爲所攘而各國莫與之爭如各國皆欲開禁英未必能獨禦衆議英亦未必於一千八百五十四年援土時已爲料量此後之大戰也卽令一月內能調集五六萬人於土京土力能助英而英所失較所得更大萬一英國陸軍敗衄則亞細亞洲屬國必相率叛英英國失此國威恐日後難以復舊也況平心而論歐羅巴之海不許歐羅巴各國出入在英未免不情矣

英廷調印度陸兵第二旗拔塔令營第十二旗而勒其門
營十二月二十日自孟買起程正月二十日可到英國怕
嘗碼海口又一兵船於正月初三日自孟買開行帶馬兵
砲隊兩排脫雷並將第二旗拔塔令營第八旗而勒其門
營陸兵載至亞丁島

紅海
南口

更調第五十六旗而勒其門營

第五十七旗而勒其門營陸軍回國計二月初五日可到
又孟買海口一兵船於二月十二日開行裝載第四十五
旗而勒其門陸兵計三月十九日可抵英又四號兵船載
有病之兵及年期已滿之兵回國

開斯而枚亞船廠新造一大鐵甲船命名曰意大利亞此

鐵甲船之最大者長一百二十米特

每米特為英三寸三分約中國三尺

許

闊二十二米特高十五米特入水八米特有半船身重

一萬三千噸船艙可容五千噸船底夾層隔分各艙水不

相通中間有平剖蛋式砲台用雙螺輪螺徑六米特機器

有兩副抽水筒有六個鍋爐有二十六座馬力有一萬八

千匹每小時可行十六海里水師兵部大臣云意大利亞

船之砲須比百噸砲更大鐵甲厚五十五桑的適當

每桑

當為百分英寸之三十九分

其製造經費用二百萬佛郎

每福蘭格為五開洋銀之

一

前日博物師陪爾

即創造德律風者

與其徒二人獻藝於英國君

主試聽德律風陪爾先將製法原委呈於君主前隔院製
一德律風以一鐵線聯之彼處亦派人料理有湯麥斯大
公並其夫人在彼彼此問答俱如覲面彼處有小女郎唱
曲此間英君主聽其音韻高下無不清朗合拍君主即命
鉛那大公由德律風答謝此間有拍手贊美者彼處均聽
清晰嗣又唱數曲倫敦笑語贊揚之聲相距二百四十英
里亦聽若同堂奇矣

正月二十五日相傳英廷軍機閣臣不和今果有兩外部
大臣辭職歸田英廷以俄國無總會公議之請政府令議
院預籌銀款爲水陸各軍之用並發電信至毛耳塌島所